

ხელშეკრულება № ს-----
სახელმწიფო შესყიდვების შესახებ
(ელექტრონული ტენდერი მომსახურების შესყიდვის შესახებ)

ქ. თბილისი

-----2020 წ.

ჩვენ, ქვემოთ ხელის მომწერნი, ერთის მხრივ, სსიპ საქართველოს იუსტიციის სასწავლო ცენტრი - (შემდგომში - შემსყიდველი ორგანიზაცია), წარმოდგენილი მისი დირექტორის ----- სახით და მეორეს მხრივ, --- -----, შემდგომში წოდებული „მიმწოდებლად“, წარმოდგენილი ----- სახით, ვდებთ ამ ხელშეკრულებას შემდეგზე:

გამოყენებული ტერმინების განმარტებები:

ხელშეკრულებაში გამოყენებულ ტერმინებს აქვს შემდეგი მნიშვნელობა:

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა
3. მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
4. „დღე“, „კვირა“, „თვე“ - კალენდარული დღე, კვირა, თვე.
5. „შემსყიდველი“ - პირი, რომელიც ახორციელებს შესყიდვას.
6. „მიმწოდებელი“ - პირი, რომელიც ახორციელებს მომსახურების მიწოდებას ამ ხელშეკრულების ფარგლებში.
7. „ინსპექტირება“ - ხელშეკრულების პირობების შესრულების კონტროლი და ზედამხედველობა.
8. „მომსახურება“-ხელშეკრულების პირველი მუხლით გათვალისწინებული ხელშეკრულების საგანი.
9. CPV -79410000 -, ბიზნესსა და მენეჯმენტთან დაკავშირებული საკონსულტაციო მომსახურებები“

I. ხელშეკრულების საგანი

1.1 ხელშეკრულების საგანია შემდეგი მომსახურების (შემდგომში-შესყიდვის ობიექტი) შესყიდვა:

N	დასახელება	მომსახურების დასახელება	მომსახურების შესრულების ვადები
1	რესერტიფიცირების აუდიტი	1. 1. აუდიტის ჩატარება ისო 9001:2015 სტანდარტის მოთხოვნებთან ხარისხის მენეჯმენტის სისტემის შესაბამისობის დადგენის მიზნით და შესაბამისი ანგარიშის მომზადება. 1.2. შეუსაბამობების აღმოჩენის შემთხვევაში - მათი აღმოფხვრის გეგმის შეთანხმება. 1.3. ხარისხის მენეჯმენტის სისტემის ისო 9001:2015 სტანდარტის მოთხოვნებთან შესაბამისობის დადგენის შემთხვევაში აკრედიტებული საერთაშორისო სერტიფიკატის გაცემა.	1. მომსახურების შესყიდვიდან არაუგვიანეს 2020 წლის ოქტომბრის თვისა რესერტიფიცირების აუდიტის ჩატარება. 2. აუდიტის მიერ საბოლოოდ დადგენილი შესაბამისობიდან (გათვალისწინებულია შეუსაბამობების აღმოფხვრისა და ობიექტური მტკიცებულებების წარდგენისთვის საჭირო დრო) არაუგვიანეს 2020 წლის 22 ნოემბრისა გაიცეს სერტიფიკატი.
2	პირველი საზედამხედველო აუდიტი სერტიფიკატის გაცემიდან 12 თვის განმავლობაში	2.1. აუდიტის ჩატარება ისო 9001:2015 სტანდარტის მოთხოვნებთან ხარისხის მენეჯმენტის სისტემის შესაბამისობის და მუდმივი გაუმჯობესების დადგენის მიზნით. შესაბამისი ანგარიშის მომზადება. 2.2. შეუსაბამობების აღმოჩენის შემთხვევაში -	2020 წ. სერტიფიკატის გაცემიდან 12 თვის განმავლობაში (არაუგვიანეს 2021 წლის ნოემბრისა)

		მათი აღმოფხვრის გეგმის შეთანხმება.	
3	მეორე საზედამხედველო აუდიტი სერტიფიკატის გაცემიდან 24 თვის განმავლობაში	3.1. აუდიტის ჩატარება ისო 9001:2015 სტანდარტის მოთხოვნებთან ხარისხის მენეჯმენტის სისტემის შესაბამისობის და მუდმივი გაუმჯობესების დადგენის მიზნით. შესაბამისი ანგარიშის მომზადება. 3.2. შეუსაბამოების აღმოჩენის შემთხვევაში - მათი აღმოფხვრის გეგმის შეთანხმება.	2020 წ. სერტიფიკატის გაცემიდან 24 თვის განმავლობაში (არაუგვიანეს 2022 წლის ნოემბრისა)

II. შესყიდვის ობიექტის /მომსახურების ღირებულება

2.1. შესყიდვის ობიექტის/მომსახურების საერთო ღირებულება შეადგენს ----- (----- ლარი და 00 თეთრი) ლარს, საქართველოში მოქმედი კანონმდებლობით დადგენილი ყველა გადასახადების გათვალისწინებით, დღგ-ს ჩათვლით.

III. შესყიდვის ობიექტის /მომსახურების მიწოდების ვადები და ადგილი

3.1. შესყიდვის ობიექტის/მომსახურების მიწოდება განხორციელდება, ეტაპობრივად 2020- 2022 წლების ----- ჩათვლით.

3.2. ობიექტის მიწოდების/მომსახურების ადგილია ქ. თბილისი

IV. შესყიდვის ობიექტის მიღება-ჩაბარების წესი

3.3. შესყიდვის ობიექტი/მომსახურება ჩაითვლება მიღებულად მომსახურების მიწოდების და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

3.4. მიმწოდებელთან ანგარიშსწორება განხორციელდება ლარებში, 2020- 2022 წლების საკუთარი შემოსავლებიდან.

3.5. მიმწოდებელს შესყიდვის ობიექტი/მომსახურება აუნაზღაურდება უნაღდო ანგარიშსწორებით, წარმოდგენილი მიღება-ჩაბარების აქტიზე შემსყიდველის მიერ ხელმოწერიდან 10 (ათი) სამუშაო დღის განმავლობაში.

3.6. ანაზღაურების ადგილია ქ.თბილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის/მომსახურების ღირებულება;

6.3. შემსყიდველ ორგანიზაციას უფლება აქვს:

- განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;
- მოსთხოვოს მიმწოდებელს ინსპექტირებისას გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი/მომსახურება ხელშეკრულებით გათვალისწინებული პირობების შესაბამისად;
- განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

6.5. მიმწოდებელს უფლება აქვს:

- მოსთხოვოს შემსყიდველ ორგანიზაციას შესყიდვის ობიექტის/მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

7.1. ხელშეკრულების შესრულების ხელშეკრულების პირობებთან შესაბამისობაზე ინსპექტირებას განახორციელებს შემსყიდველი ორგანიზაციის წარმომადგენელი/წარმომადგენლები: ----- რომელთაც შეუძლიათ ინსპექტირების განხორციელება როგორც ინდივიდუალურად, ისე ერთობლივად.

VIII. მხარეთა პასუხისმგებლობა ხელშეკრულების პირობების დარღვევისას

- 8.1 მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;
- 8.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 0.02%-ის ოდენობით ყოველ ვადაგადაცილებულ დღეზე;
- 8.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;
- 8.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

IX. ფორს-მაჟორული სიტუაციები

- 9.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 9.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

X. ხელშეკრულების პირობების გადასინჯვა

- 10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.
- 10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების ვადა

- 11.1 ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2023 წლის 31 იანვრის ჩათვლით და/ან სახელშეკრულებო თანხის ამოწურვამდე და/ან სრული მომსახურების გაწევის ჩათვლით.

XII. დავა და მისი გადაწყვეტის წესი

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

XIII. სხვა პირობები

- 13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.

- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

***XV. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი***

შემსყიდველი:

სსიპ „საქართველოს იუსტიციის სასწავლოცენტრი“
თბილისი, ანა პოლიტოვსკაიას ქუჩა №1
საბანკო რეკვიზიტები:
სახელმწიფო ხაზინა - TRESGE22
ხაზინის ერთიანი ანგარიში - 707997153
საიდენტიფიკაციო კოდი: 204423230
ტელეფ 2942248

დირექტორი

მიმწოდებელი:

შპს „-----“
მისამართი: ქ.თბილისი, ----- ქ.N
საბანკო რეკვიზიტები:
ანგ. №
სს “თიბისი ბანკი“ კოდი:
სკ - -----
ტელეფონი: -----
EMAIL-----

დირექტორი
